

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ԱՊՐԱՆՔՆԵՐԻ ՄԱՏԱԿԱՐԱՐՄԱՆ
ՊԱՅՄԱՆԱԳԻՐ ԱՍՀՆ-ԱՌԱՊՁԲ-2022/1**

Ք. Երևան

01.12.2022թ.

«ՕՆԼԱՅՆ ՍՈՒՊԵՐՄԱՐԿԵՏ» ՍՊԸ սահմանափակ պատասխանատվությամբ ընկերությունը (իրավաբանական հասցե՝ ՀՀ, Երևան, 0036, Աջափնյակ, Բաշինջաղյան փ., 2. 180, բն. 11, ՀՎՀՀ 01287937), ի դեմս նրա տնօրեն Նարեկ Պողոսյանի, որը գործում է ընկերության կանոնադրության հիման վրա, մի կողմից, այսուհետ «Վաճառող», և ՀՀ աշխատանքի և սոցիալական հարցերի նախարարությունը (հասցե՝ ք. Երևան Հանրապետության հրապարակ, Կառավարական տուն 3, ՀՎՀՀ 01506515) ի դեմս նախարարության գլխավոր քարտուղար Սամվել Մուրադյանի, ով գործում է ՀՀ աշխատանքի և սոցիալական հարցերի նախարարության կանոնադրության հիման վրա, այսուհետ՝ «Գնորդ», մյուս կողմից, միասին անվանվելով «Կողմեր», ղեկավարվելով ՀՀ օրենսդրությամբ, կնքեցին սույն պայմանագիրը /այսուհետ՝ Պայմանագիր/ հետևյալի մասին:

1. Պայմանագրի առարկան

1.1. Վաճառողն իրավունք է վերապահում Գնորդին, ապրանքներ ձեռքբերելու վճարման հետաձգման պայմանով և Գնորդի պահանջով, իրականացնել գնված ապրանքների առաքում Պայմանագրով սահմանված կարգով և պայմաններով :

2. Պատվերի ձևավորումը և վճարումը

2.1 Գնորդն ապրանքների ընտրությունը կատարում է, իսկ Վաճառողը Գնորդին ապրանքներն առաքում է www.supermarket.am ինտերնետ կայքում վաճառվող տեսականու համաձայն՝ ըստ պատվերների, որոնց յուրաքանչյուրի ընդհանուր արժեքը չի կարող գերազանցել 100.000 /մեկ հարյուր հազար/ ՀՀ դրամը:

2.2 Առաքվող ապրանքների քանակը և տեսականին, ինչպես նաև առաքման հասցեն հաստատվում են Գնորդի կողմից ստորագրված գրավոր պատվերով կամ Պայմանագրում նշված էլ. Հասցեից Վաճառողին ուղարկված պատվերով, հայտով կամ հեռախոսի միջոցով :

2.3 Առաքումը իրականացվում է միայն Երևանի տարածքում:

2.4 Գնորդը վճարում է առաքված ապրանքի դիմաց անկանխիկ՝ դրամական միջոցները Վաճառողի՝ Պայմանագրի 5 կետում նշված բանկային հաշվին փոխանցելու միջոցով, հաշիվը և հանձնման-ընդունման արձանագրությունը ու ակտը ստանալուց և հաստատելուց հետո երեսուն /30/ աշխատանքային օրվա ընթացքում:

2.5 Գնորդը կարող է կրկին ապրանք պատվիրել միայն նախորդ պատվերի գումարն ամբողջությամբ վճարված լինելու (չկատարված դրամական արտավորություն չունենալու) դեպքում:

3. Կողմերի իրավունքները և պարտավորությունները

3.1 Գնորդը պարտավոր է

3.1.1 Գնորդը պարտավորվում է ձեռնարկել բոլոր անհրաժեշտ միջոցները առաքվող ապրանքները ընդունելու համար, այդ թվում ստորագրել համապատասխան հանձնման ընդունման ակտ կամ կատարել ապրանքների ընդունումը հավաստող մակագրություն Վաճառողի կողմից ներկայացված փաստաթղթեր/ում:

3.1.2 Գնորդը պարտավորվում է բարեխղճորեն կատարել Պայմանագրով իր վրա դրված իրավունքները և պարտավորությունները:

3.1.3 Վաճառողի կողմից պատվիրված ապրանքները սահմանված կարգով առաքվելու դեպքում Գնորդը պարտավոր է ձեռնարկել բոլոր անհրաժեշտ միջոցները ապրանքներն ընդունելու համար:

3.1.4 Եթե Գնորդն ավելի քան երկու անգամ տեղում չի ընդունում առաքված ապրանքները, ապա յուրաքանչյուր հաջորդ խախտման համար Վաճառողին վճարում է տուգանք Պատվերի ընդհանուր արժեքի 50 /հիսուն/ տոկոսի չափով:

3.2 Վաճառողը պարտավոր է

3.2.1 Վաճառողը պարտավորվում է բարեխղճորեն կատարել Պայմանագրով իր վրա դրված իրավունքները և պարտավորությունները:

3.2.2 Վաճառողը պարտավորվում է պատշաճ որակով և տեխնիկապես հնարավոր ամենակարճ ժամկետներում կատարել Գնորդի պատվերը:

3.3 Գնորդն իրավունք ունի

3.3.1 Եթե ապրանքների ընդունման ժամանակ հայտնաբերվում են թերություններ, ապա Գնորդն իրավունք ունի պահանջել Վաճառողից վերացնել այդ թերությունները վերջինիս հաշվին և չընդունել ապրանքները մինչև այդ թերությունների վերացումը:

3.3.2 Գնորդն իրավունք ունի Վաճառողի կողմից ներկայացված հաշիվների, /այդ թվում էլեկտրոնային/ առաքված ապրանքների փաստի, քանական, որակական կամ այլ հատկությունների կամ Պայմանագրի որևէ կետի խախտման վերաբերյալ հղում կարող է անել միայն տասնհինգօրյա ժամկետում այն պահից սկսած, երբ համապատասխան հարկային հաշիվը դուրս է գրվել /այդ թվում էլեկտրոնային/ կամ ապրանքները առաքվել կամ փաստացի հանձնվել է Գնորդին, այդ թվում տասնհինգ օրյա ժամկետում՝ սկսած այն պահից, երբ իմացել է Վաճառողի կողմից Պայմանագրի որևէ կետի խախտման վերաբերյալ կամ չի իմացել, սակայն պարտավոր էր: Նշված ժամկետի ավարտից հետո առարկությունների բացակայությունը վկայում է Վաճառողի կողմից իր պարտավորությունների ամբողջական կատարման մասին, որը հավասարեցվում է Կողմերի միջև պատշաճ ձևակերպված հանձնման ընդունման ակտի ստեղծմանը և Գնորդի կողմից գնված /առաքված/ ապրանքների համար վճարման անհերքելի

հիմք է հանդիսանում:

3.3.3 եթե Վաճառողը Գնորդին հանձնել է որոշվածից պակաս քանակի ապրանք, պահանջել լրացնելու ապրանքի պակաս հանձնված քանակը կամ հրաժարվելու թերի մատակարարված ապրանքից կամ դրա համար վճարելուց, իսկ եթե ապրանքի համար վճարել է, ապա պահանջել վերադարձնելու վճարված գումարը:

3.4 Վաճառողն իրավունք ունի

3.4.1 Վաճառողի հանդեպ ժամկետանց դրամական պարտավորություն ունենալու դեպքում Վաճառողն իրավունք ունի պահանջելու Գնորդից վճարել սույժ ժամկետանց գումարի 0,13 տոկոսի չափով յուրաքանչյուր ուշացված օրացուցային օրվա համար:

4. Պայմանագրի ժամկետը, հավելյալ դրույթներ

4.1 Սույն պայմանագիրն ուժի մեջ է մտնում ստորագրման պահից և գործում է մինչև 30.12.2022թ.:

4.2 Այն դեպքում, երբ պայմանագրի գործողության ժամկետի ավարտից մեկ ամիս առաջ կողմերից որևէ մեկը չի ծանուցում մյուս կողմին պայմանագրի լուծման իր մտադրության մասին, ապա պայմանագիրը համարվում է երկարացված նույն ժամկետով և մինևույն պայմաններով:

4.3 Կողմերի միջև ծագած վեճերը լուծվում են քանակցությունների միջոցով: Համաձայնության չգալու դեպքում վեճերի լուծումը կարգավորվում է ՀՀ օրենսդրությամբ սահմանված կարգով: Կողմերը սույնով համաձայնվում են, որ սույն պայմանագրից բխող բոլոր դատական գործերն ընդդատյա են Երևան քաղաքի ընդհանուր իրավասության դատարանին (Տարածքային ընդդատության համաձայնություն):

4.4 Կողմերից յուրաքանչյուրն իրավունք ունի վաղաժամկետ լուծելու Պայմանագիրը՝ այդ մասին տեղեկացնելով մյուս կողմին Պայմանագրի 5 կետում նշված որևէ հասցեով: Այդ դեպքում Պայմանագրի գործողությունը համարվում է դադարեցված Կողմի ծանուցումը ստանալու պահից:

4.5 Պայմանագիրը կազմված է հայերեն, երկու օրինակից: Յուրաքանչյուր կողմին տրվում է Պայմանագրի մեկ օրինակ:

Գնորդի Հեռախոսային	Գնորդի Էլեկտրոնային	Գնորդի կողմից լիազորված անձանց
--------------------	---------------------	--------------------------------

համարներ	հասցեներ	Ա.Ա.Հ Անձնագրային տվյալներ/բացի տնօրենից/
094848055	laura.harutyunyan@mlsa.am	Լատիրա Հարությունյան, նույն. քարտ 008608614

5. Կողմերի տվյալները

Վաճառող

Գնորդ

«ՕՆԼԱՅՆ ՍՈՒՊԵՐՄԱՐԿԵՏ» ՍՊԸ

ՀՀ աշխատանքի և սոցիալական
հարցերի նախարարություն,

Իրավ. Հասցե՝ ՀՀ, Երևան, 0036,
Աջափնյակ, Բաշինջաղյան փ., շ. 180,
բն. 11

Իրավ.Հասցե՝ ք. Երևան,
Հանրապետության հրապարակ,
Կառավարական տուն 3,

ՀՎՀՀ՝ 01287937

ՀՎՀՀ՝ 01506515

Բանկ՝ Էյջ-Էս-Բի-Սի ԲԱՆԿ ՀԱՅԱՍՏԱՆ
ՓԲԸ

Կենտրոնական զանձապետարան

Հ/Հ՝ 217003199361003

Հ/Հ՝ 900011019321


Հեռախոս՝ 0037411555555

Տնօրեն՝ Նարեկ Լուսինյան

Գլխավոր քարտուղար՝ Սամվել
Սուրբադյան



Կ.Տ.



Կ.Տ.